

UMS anjur bicara buku perkenal karya baharu pada masyarakat

NST 28.9.2019 3

KOTA KINABALU: Sebuah Bicara Buku diadakan di Ruang Santai Perpustakaan Universiti Malaysia Sabah (UMS) baru-baru ini dalam usaha ke arah memperkenalkan karya baharu kepada masyarakat di samping mendapatkan maklum balas daripada pembaca terhadap karya buku berkenaan.

Pada program itu, buku bertajuk Mediasi Dalam Perkembangan Novel Sabah tulisan Pengarah Penerbit UMS, Prof Madya Dr. Asmiaty Ahmad telah diulas Timbalan Naib Canselor Penye lidikan dan Inovasi, Prof. Madya Ts. Dr. Ramzah Dambul di hadapan pelajar Tahun 2 Program Komunikasi dan Program Seni Kreatif, Fakulti Ke manusiaan, Seni dan Warisan (FKSW).

Menurut Dr. Ramzah, mediasi bermakna perantara atau faktor yang menjadi pemangkin atau pengubah kepada penghasilan sesuatu karya.

"Pensejarahan novel di Sabah mem perlihatkan mediasi sosiobudaya, konvensi, institusi dan ideologi sebagai pemangkin perkembangan peng hasilan novel sejak tahun 1970-an.

"Mediasi ekonomi hanya diperl ihatkan pada sekitar tahun 1960-an melalui beberapa karya antaranya karya K Bali berjudul Bogel / Sarini dan Bulan Muda hati Muda," katanya pada majlis itu yang diadakan sempena Pesta Buku UMS 2019.

Dr. Ramzah berkata, penulis novel Sabah sangat langka dalam mem-



SAMPAIKAN ... Penyampaian cenderahati oleh Pengarah, Penerbit UMS Dr. Asmiaty kepada Dr. Ramzah.

bicarakan isu sensitif seperti kebergantungan ekonomi sabah terhadap warga luar.

"Selain itu penulis Sabah masih berkarya dalam ruang lingkup selesa tanpa berani mengutarakan isu-isu sensitif seperti hak orang asal, isu sosial seperti pelacuran sebagaimana yang pernah dikupas oleh Sasterawan Negara A Samad Said dalam masyarakat di Tanah Melayu menerusi novel Salina sekitar tahun 1970-an.

"Realiti kehidupan masyarakat di Sabah tidak dikupas secara tuntas oleh kebanyakan pengkarya berkemungkinan disebabkan oleh latar budaya," jelasnya yang turut menyeru penulis untuk meneruskan kritikan terhadap perkembangan persuratan dalam era digital yang serba mencabar.

Bagi yang berminat, Buku Mediasi Dalam Perkembangan Novel di Sabah boleh didapat menerusi kedai buku UMS dengan harga RM50.